



**COMUNU DE GONI      PROVÌNTZIA SUD SARDIGNA**

**CÒPIA**

**VERBALE DE DELIBERATZIONE DE  
SA GIUNTA COMUNALE**

N. 31 de su 08-08-2023	<b>Servìtziu antintzèndiu- campagna 2023. Diretivas a su Responsabile de su Servìtziu pro sa cuntzessione de unu contributu a s'assòtziu locale di protettione tzivile.</b>
------------------------	---

S'annu **duamìgia bintitres** sa die **oto** de su mese de **austu** a ora de is **17:47** in sa s'apostu de is riuniones de custu Comunu, s'est atobiada sa Giunta Comunale cun sa presèntzia de is Signore:

<b>Guggeri Emanuela</b>	<b>Sindiga</b>	<b>Ausente</b>
<b>Mascia Giacomo</b>	<b>Vice Sindigu</b>	<b>Presente</b>
<b>Melis Giuseppe</b>	<b>Assessore</b>	<b>Presente</b>
<b>Serra Matteo</b>	<b>Assessore</b>	<b>Presente</b>

resurtant presentes n. 3 e ausentes n. 1.

Partètzipat su Segretàriu Comunale Dott.ssa Elena Dessì, chi providit a sa redazione de su presente verbale.

Su Presidente Giacomo Mascia, cunstatadu chi is intervènnidos sunt in nùmeru legale, decrarat aberta sa riunione e invitat is cunvocados a deliberare subra s'ogetu subrainditadu.

## SA GIUNTA COMUNALE

Torrada a remonare sa deliberatzione de su Cussìgiu comunale n. 5 de su 22/04/2023 chi aprovaia su bilantzu de previsionu 2023/2025;

Torrada a remonare sa deliberatzione de sa Giunta regionale n. 17/53 de su 04/05/2023 chi tenet a ogetu “Òbligos regionales antintzèndiu 2023-2025”;

Donadu atu chi in su cuntestu de sa deliberatzione remonada de sa giunta regionale, in su mentretempus chi colet s'aprovazione de su pranu regionale antintzèndiu pro su triènniu 2023-2025, s'Assessore evidèntziat sa netzessidade de protzedire cun apretu a s'aprovazione de su relativu dovumentu de is òbligos regionales antintzèndiu 2023-2025, pro more chi siant aplicados a sa lestra e pro s'inghitzu de una campagna de informatzione adeguada e lestra campagna pro totu is tzitadinos e sugetos interessados;

Cunsideradu chi in sa matessi deliberatzione s'evidèntziat sa netzessidade de garantire a is Comunos provididos de pianu comunale de protetzione tzivile pro s'arriscu de intzèndiu comente interfàzia, in ue tèngiat sede un'organizzazione de voluntariadu, sa possibilidade de impreare òmines e mèdios de s'organizzazione in manera regolare iscrita in s'elencu regionale de su voluntariadu de protetzione tzivile e operativa pro sa categoria antintzèndiu e/o pro sa categoria operatividade ispetziale, pro is fainas de preventzione providende a su rimbursu de is ispesas sustentadas in manera efetiva dae sa matessi organizzazione;

Retentu duncas, fintzas pro sa custa istajone istiale, de providire a s'organizzazione de su servitziu de preventzione e lotta contra is fogos pro more de amparare su patrimoniu boschivu e nono, chi faghet parte de su territòriu comunale;

Retentu de si dèpere serbire, pro s'atuatzione de is interventos in chistione, de sa faina de s'Assòtziu voluntariadu de protetzione tzivile Santu Jacu, chi tenet sede in Goni e in manera regolare iscrita in s'elencu regionale de su voluntariadu, chi possedit is mèdios e sa dotatzione de personale voluntàriu netzessària a acumprire is fainas de preventzione de s'arriscu de intzèndiu pro custa istajone istiale, in totu su territòriu de su Comunu de Goni;

Torradu a remonare su regulamentu comunale pro sa cuntzessione de suventziones, contribuidos, sussidios e ajudos finantziàrios e pro s'atribuzione de ausilios econòmicos, aprovaia cun deliberatzione de su Cunsìgiu comunale n. 19 de su 09/06/2000, modificadu cun deliberatzione de su Cunsìgiu comunale n. 3 de su 01/03/2006;

Torradu a remonare in particolare s'art. 6 de su regulamentu in ogetu,chi previdet: “Is setores acanta s'Amministrazione Comunale podet fàghere sa cuntzessione de finantzamentos e benefitzios econòmicos a Entes pùblicos e sugetos privados, in is limites de is risursas chi disponet, sunt de norma is sighentes, elencados in òrdine alfabèticu:

- Assistèntzia e seguridade sotziale;
- Fainas isportivas;
- Faina pro sa protetzione de is balores monumentales, istòricos e traditzionales;
- Protetzione de is balores ambientales.

Pro ognu setore de interventu sunt individuadas is fainas e is iniziative chi ddu caraterizant in generale, cun custu sena esclùdere is chi pro sa finalidade issoro sunt collegados a issos”;

Retentu de pòdere destinare a s'iniziativa in chistione s summa de € 3.000 (tres mìgia èuros),

chi sa disponibilidade est in is capitulos pertinentes de su bilantzu, donende atu chi is subra numenadas summas ant a èssere destinadas a rimbursare is ispedas sustentadas e documentadas in manera efetiva pro s'acumprimentu de is fainas in favore de su Comunu de Goni;

Cunsideradu chi est pretzius acumandare a is ufizios s'adotzione de is atos netzessarios pro atuatzione a sa voluntade espressada cun su presente àutu;

Bidas is disponimentos vigentes in matèria;

Bidos is parres espressados segundu s'art. 49 de su D. Lgs. n. 267/2000 in òrdine a sa regularidade tècnica e contàbile de sa proposta in ogetu;

totu custu premitidu

Cun votazione unànime favorevole espressada in is modos e formas de lege,

### **DELÌBERAT**

De pigare atu de sa premissa;

de destinare, pro s'atuatzione de is interventos finaliados a sa preventzione de sa gestione de s'arriscu fogos pro s'istajone istiale 2023 (periodu dae su 08/08/2023 a su 30/09/2023) sa summa complessiva de € 3.000 (tres mìgia èuros);

de individuare s'assòtziu de voluntariadu protetzione tzivile Santu Jacu comente sugetu pro affidare su suportu pro sa campagna contra su fogu 2023, segundu is inditos donados dea sa Regione Sardigna cun deliberatzione remonada GR n. 17/53 de su 04/05/2023;

de acumandare a is ufizios cumpetentes s'adotzione de is atos chi serbint a donare esecutzione a sa voluntade espressada cun su presente delibera;

de decrarare sa presente cun votazione sutzessiva e istagiada esecutabile in deretura segundu s'art. 134, comma 4, de su D.Lgs. 267/2000.

Lèghidu, cunfirmadu e firmadu

SU PRESIDENTE  
F.du Giacomo Mascia

Su Segretàriu Comunale  
F.du Dot.a Elena Dessi'

